

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Menippus sive dialogorum satyricorum centuria inanitatum nostrativum speculum**

**Andreä, Johann Valentin**

**Cosmopoli [i.e. Straßburg], 1618**

14. Politici

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

his impones? *A.* O sarcasum! nobis ergo adorandi sunt, qualescunque de schola tandem emittentis, etiam nec latine nec artes gnari; nostri viri boni, & de salute solliciti, pecus vobis videbuntur, quia non grammatici? *B.* Illis ligones, nobis libri curæ erunt. *A.* Libri? quos pulvis obtegit, situs & squalor erodit, quos transferre, nedum explicare multi non potestis? *B.* Satis est semel didicisse. *A.* Ea, quæ in sutrina nostri aliud agentes perdiscerent. *B.* Bona verba. *A.* Bonis & literatis nulla fit iniuria, hoc verò iniquissimum est, literatos & illiteratos eodem loco haberi, & nomenclatorem Rhetorix equiparari. *B.* Malè de Ecclesia ageretur, si quid Latinæ linguæ maiestati decederet. *A.* Nempe satius fuisset Christum nobis latinam Grammaticam reliquisse, quàm Evangelium?

## 14. POLITICI.

*A.* Quæ hæc ætatis nostræ felicitas est, ex tot prudentissimis scriptoribus, & retroactis seculis, posse perfectissimam Republicæ formam præscribi? *B.* Id nempe sapere est alieno damno. *A.* Maximè; quo vero tandem ascendente ingeniorum ausus? *B.* Eò, unde vertigine rotati turpiter decidât. *A.* Quid, an tu nõ faves ingenioso seculo, erudite ætati? *B.* Sic sane, ut prætorumq; misereat. *A.* Age quid felicius, quàm universâ Mundi periodum intueri, ac exinde, quod rarissimū, cõsultissimū, perfectissimū desumere? *B.* Quid pul-

chrius quam in foro variis coemptis scrutis & des  
 novas ornare? A. Quid elegantius, quam univ  
 se antiquitatis consilios forenses, & bellicos  
 instituire? B. Quid convenientius, quam pufio  
 nes nostros, caligis nostris laxioribus induere?  
 A. non video quid velis. B. Non convenire se  
 tempora, & Deum singulis scenis suum addere  
 ornatum, suas dare personas, quæ ad scopum  
 ipsius Orbis historiam, & Ecclesiæ peregrinatio  
 nem peragant, varie interim distractis, penden  
 tibus & divinantibus spectatoribus A. Nullus  
 ergo prudentiæ & historiarum usus? B. Neutrius  
 contra Dominum, utriusque ad observanda Dei  
 consilia & miracula ter maximus. A. Atquire  
 rum publicarum arcana veluti rotulæ occultæ  
 sunt, quæ quisquis introspicit, facile animad  
 vertit totius huius machinæ motionem. B. Me  
 mineris uni Ecclesiæ horologium illud deservi  
 re, cui etiam licet horas & momenta sua obser  
 vare, reliqui quicquid introspiciunt, veluti pue  
 riyario rotularum discursu, & gyrationib. delect  
 statur, nullo vel suo usu, vel in impediencia pericu  
 la præsidio. B. Sapiens vel astris dominabitur,  
 ne dum. hominum machinationibus. A. Is neme  
 pe qui ex Deo sapit, & cum Deo consentit. B. In  
 terim successum video sagaciorum Politico  
 rum. A. Miserum sanè, si Deus cum risu intro  
 spiciat. Nam qui tot Populis imponere tentat,  
 ei fortassè uxor cornua imponit, & qui orbi leges  
 dare vult, vix famulum, aut famulam regit abs  
 que strepitu.

Litera